

1 TIMOTEUS

Timoteus tuku waŋe Paulusŋge ambonga kuyarna

Timoteus nu taŋgo mbanzonu minmba Kuate tuku kuasmbi Efesusŋge minnaig ta kulatka minna le Paulus nu Romŋge muli wandek sinam taŋge minmba Timoteus idusmba waŋe te kuyarmba pilna le nu tugum kina.

Waŋe te tugunu tejenmba. Yabri tum taŋgo afunge taŋgo pino Efesusŋge minnaig ta yabrinŋmba pasa suŋgomba saka minnaig le Paulus nu nane tuku mbar wamdus ta te-iberŋam saka waŋe te kuyarna sulumba Timoteus nu saŋgrimba tiŋga Kristus tuku pasa tugusek kukliwa ŋga nu saŋgri pilena. Taŋamba nu gabat taŋgo madiniŋgam tuku pasa turmba Timoteus sana.

¹⁻² O Timoteus kaiye. Ne Kristus tuku son ŋgate ta ne siŋka ye tuku kiŋo. Ye Paulus Kristus Yesus tuku aposel ye ne ndoŋ pasa-pasakam prowet. Kuate nu sine muskil kile-tidiŋgina le sine Yesus Kristus son ŋga nu minde mineg. Nalenŋge ye madiyinaik le Kristus Yesus tuku aposel minet. Mam Kuate Yesus Kristus siŋgine Suŋgo nale ake sinaŋ ne make pilmba sinanu mapenumba ŋgamunŋgal wamdus bul sernuwaik. Son.

Yabri pasa tuku riroŋka

³ Ye buk Masedonia kambim saka nane afu pasa tugusek kusremba pasa kise sakinaig ta peuniŋgam tuku ne Efesusŋge mina ŋgen. ⁴ Nane yabri wam kube ko naŋgine wa mbuŋ kame tuku tugu patit ke lika suŋgomba wamdus pile ndakuwaig. Nane wam ta sake lika ake sinaŋ kualeyaukade sulumba Kuate tuku son ŋga nu tuku wamdus kila palmbim idus ndade. ⁵ Ye riroŋ pasa sanet

te nangine nangine mungu kume purka minwaig nget. Kuate am mbolnge ngamungal wamdus mukuk minam tuku kutur manau mbulwaig sulumba tugusemba nu tuku son nguwaig ta nangine nangine kume purkam kumuŋ.

⁶ Nane afu manau kame ta kusreka pasa alo kugatok ta mungu wam kubeka isig. ⁷ Nane Kuate tuku tukul manau afu tumningam bafude ta nane tugunu gilai. Nane tukul pasa katese maye ndamba afu sangrimba saningig.

⁸ Sine Kuate tuku tukul pasa katese mayemba dubibe ta maye. ⁹ Tukul pasa ta tango tinreknu tuku pro ndana. Nu mbarde mbal tuku prona ta terjenmba. Afu tukul lukakade ko Kuate ngumnemba unekade ko nu idus ndamba kilke te tuku manau ke likade ko ina mam ko tango afu bale farde ¹⁰ ko tango pino ndon fare fare minig ko tango pino ndon minam tuku pino tango ndon minam tuku manau mbilmba manau kise ke likade ko pirokam tuku nga tango bige tidingade ko afu yabriningig ko ki am mbolnge nga yabri pasa sakade ko manau tugusek afu lukakade, tukul pasa nu nane tuku prona. ¹¹ Pasa mayenu Kuate nge sina le kukliwet ta tanjamba ndo sakate. Kuate nu gare manau tuku tugu. Nuŋe pasa mayenu tanje nu tuku nyu sunjo te-mayokte.

Kuate nu Paulus sinanu mapena

¹² Singine Sunjo Kristus Yesus nu ye sangri sina sulumba ye tala ndayumba pirokam tuku madiyahina. Wam ta tuku ye nu gare pasa tuwet. ¹³ Ye buk nu pasa nayonu tumba nuŋe mbal piti niŋmba nu tumail panmba minen. Ye nu tuku tugu gilai minmba nu son nda nga tanjawen ta Kuate nu ye mapeyina le ¹⁴ singine Sunjo nu ye ake sinan make pilmba sunjomba sinzanyina le kile ye Kristus Yesus tuku son nga tira kame tuku kume puret.

¹⁵ Pasa te siŋka son ŋgam tuku. Kristus Yesus nu mbarde mbal muskil kile-tidiŋge niŋgam tuku ndo kilke te mbol prona. Mbarde mbal ye nane ŋakmba liniŋmba mbar sunjo ŋak minen ta ¹⁶ Yesus Kristus nu pitik mbar lafunu se ndakina. Nu ye ambonga mapeyuwa le nane afu wam ta kaŋgermba nane mata nu tuku kume tuku saŋgri tomba tiŋga abo tugu tumba minmba minwaig ŋga idusna.

¹⁷ Kuate nu ait ŋakmba tuku Gabat Sunjo. Nu kumam kumuŋ kuga. Nu ammbi kaŋger ndaweg. Nu Mbara Sunjo Ndindo. Sine nu tuku nyu sunjo te-duŋga minmba minbe. Son.

Saŋgri tiŋga pirokam tuku pasa

¹⁸⁻¹⁹ O yiŋe kiŋo Timoteus, nane o buk Tukul Guwa tugumuŋge pasa ismba kile-mayokka ne taŋamba ke likamuŋgat ŋginaig. Ne pasa ta idusmba Kuate am mboluŋge ŋgamuŋgal mukuk ŋak minam tuku mbar maŋau pitaika Kristus tuku son ŋga minmba kame taŋgo taŋaŋ saŋgri tiŋga piroka. Afu naŋgine mbar maŋau ta yabukade le waŋ nu mbuŋ mboluŋge fetka ŋgisikate taŋamba naŋgine ŋgamuŋgal son ŋgisikate. ²⁰ Himeneus le Aleksander nale mata taŋade. Nale Kuate tumail pande ta kusrewaik ŋga ye nale Satan tuku wai mboluŋge patiken.

2

Kuate yabaŋam tuku maŋau

¹ Pasa te ambonga sani le ise mayewa. Ne Kuate ndoŋ pasata nu taŋgo pino turkuwa ŋga yabaŋmba nu gare pasa tawe. ² Gabat sugo sugo sine kulatkade mbal nane ŋakmba sine kulat magewam tuku Kuate yabaŋa. Nane taŋawaig ta sine piti kugatok mine mayenu mboluŋge minmba Kuate dubimba maŋau tugusek kam kumuŋ. ³ Ne taŋamba Kuate

yabaja ta ne wam mayete. Kuate nu sine muskil kile-tidinge singgit nu yabaj manjau ta nzalite. ⁴ Nu tango pino njakmba muskil kile-tidinge ningguwa le pasa tugusek kila pilwaig nga iduste.

⁵ Mbara Ndindo nu Kuate. Sine Kuate ndonj ulendisngam tuku tango ndindo nu Kristus Yesus. ⁶ Ait kumungina le nu Kuate tuku wamdus te-mayokmba tango njakmba tuku muskil kile-tidingam tuku nune njarosu kumam tuku pilna. ⁷ Ye pasa ta kuklimba kasomok mbal tumningi le nane pasa tugusek ta son nguwaig nga nu ye kukulyina. Ye yabri ndaka son pasa saket.

⁸ Ma njakmba mbolnge tango nane Kuate yabajwaig nga iduset. Nane gubra manjau wam njagonu njakmba ngumneninjmba manjau purfenju mbolnge minmba wai kile-dunga Kuate yabajwaig nget.

Pino kame tuku pasa

⁹ Pino kame nane mindepiymba nane alej alej ndaka agaj ndende kumumbi mindepiywaig. Gabat parej latomba agaj maditaknu golmbi wakeikanu piya o mbolnge tamba mindepiye ndakuwaig. ¹⁰ Sine Kuate tuku mbal nga idusmba kande ta kumumba wam magenu ndo kuwaig. Manjau ta nanjine mindepiye mayenu tananj.

¹¹⁻¹⁴ Kuate nu ambonga Adam wakeina sulumba ngumnennga Eva wakeina. Adam nu Satanngge yabri ndana. Kuga. Pino ta nu Satanngge yabrina le Kuate tuku minnge pitaina. Wam ta tuku pino kame nane tango lukaka Kuate tuku pasa tum ndaningguwaig nget. Nane mbolnge mbolnge ndamba maninok minmba pasa ismba kila pilwaig. ¹⁵ Pino nane kiyo kile-patika Kuate tuku son nga afu tuku kume purmba wam njagonu mbulmba maim maim ndaka minwaig. Tanjawaig ta Kuate nu nane tuku muskil kile-tidinge ningamngat.

3*Kulat mbal tuku pasa*

¹ Pasa te sinja son pasa. Ande nu kusem wande tuku kulat tango piro kam nzaliwa ta piro ta mayenu ndo.

² Kulat tango nu tango am mbolnge mbar kugatok minwa. Nu pino ndindo jak minmba nuje nzali ngaionu tidonguwa sulumba wamdus kuyar mayenu jak pizuknu minwa. Nu mbal afu kile-wandekka isukusneninguwa. Nu Kuate tuku pasa tango pino tum mageninguwa. ³ Nu kule kamenu nyumba nginnganka afu kat ndaninguwa. Nu ngan minmba afu ndorj kualeyau ndakuwa. Nu ndametij tuku sungomba idus ndawa. ⁴ Nu nuje pino kiyo kame kulat magekuwa le nuje kiyo kame nu kumnemnge minmba maim maim ndakuwaig. ⁵ Nu nuje pino kiyo kulat magekam fugute ta nu ndanjmba Kuate tuku kuasmbi kulatkamngat?

⁶ Tango ailfu ndo ngamunggal biye mbilna ta nu kulat tango nda minwa. Nu nuje ngaro payamkikat. Tanjawa ta nu Satan tanjaj lafu njayonu tamngat. ⁷ Nu Kristus gilai mbal am mbolnge mata mayenu minwa. Nane nu tuku manjau njayonu tuku sakuwaig ta Satan nu didika tumba njayo siliwikat.

Gabat tango kame tuku pasa

⁸ Kusem wande tuku gabat kame nane mata wamdus kuyar magenu jak minwaig. Nane pasa mbilmbilmba mine ndakuwaig ko kule kamenu sungomba nda nyuwaig. Nane ndametij kilam tuku piriri ndawaig. ⁹ Nane mbar manjau pitaika Kuate am mbolnge piti kugatok minam idusmba Kuate tuku pasa tugusek buk kuirok minna ta biye mayewaig. ¹⁰ Tane nane manjau kade ta pileningap le nane kumumbi kuwaig ndeta nane piro ta kuwaig.

¹¹ Piyo kat nanjine nane mata wamdus kuyar magenu njak minmba ngumnem pasa sa ndakuwaig. Nane nanjine nzali njaigonu tidonja manjau magewaig.

¹² Gabat tanjo nane pino ndindo njak minmba nanjine pino kiyo wande tuma mbal kulat magekuwaig. ¹³ Nane gabat piro biye mayewaig ta afunje nane piro mbal magenu nguwaig le nane sine Kristus Yesus tuku pasa son ngeg ta sangri tinja kukliwamngaig.

Sine son ngeg pasa ta tugunu

¹⁴⁻¹⁵ Ye mine-minemba ne tugum prowam iduset ta ye dalkikit nga kile wam pagu pasa te tinet. Ne Kuate tuku kiyo kame ngamuknge minmba nane ndon manjau magenu ke likam tuku kila pale nga ye waje te kuyaret. Nane Kuate abo tugu njak nu tuku kuasmbi minig. Nane makek sugo bike ndakade tana sangri tinja nu tuku pasa tugusek biye dede. ¹⁶ Sine Kuate tuku son nga nu mbarinje wam ta sungokanu kurok ta tenemba.

Nu tanjo ngarusu tumba mayok kina.

Nu tinreknu ta Tukul Guwanje tumsingina.

Ejel kame nane nu kanjernaig.

Kilke njakmba mbolnje afu nu tuku pasa kuklinaig le kasomok mbal nu tuku son nginaig.

Kuatenje tumba manj luka samba mbol kina.

4

Afu nane yabri pasa dubiwamngaig

¹ Tukul Guwanje manjau mayok kanjaig ta kilimok sakate. Ngumnenga afu Kristus tuku son ngade ta kusremba guwa njaigonunge nane yabrinjguwaig le ismba bukla tuku pasa dubiwamngaig. ² Yabri tum mbal nane nanjine mbar tuku piti tidonja mbaram tuku wamdus piti kugatok nane yabrinjmba minamngaig. ³ Nane

terjenmba sakamngaig. Tango pino munngu kile ndakap. Aganj kame te nye ndakap ngamngaig. Pasa ta yabri pasa ndo. Aganj kame ta Kuatenge kile-mayokkina. Pasa tugusek katesemba son ngade mbal nane Kuate gare pasa samba aganj ta kilmba nyuwaig nga nu aganj kame ta kile-mayokkina. ⁴⁻⁵ Kuatenge aganj kile-mayokkina ta jakmba magenu ndo. Kuate nu aganj kame ta magenu ngate le sine nu gare pasa tumba yabanmba nyube. Mbulam kumun kuga.

Paulus nu Timoteus wam paguna

⁶ Wam pagu pasa ta jakmba tira kame sanijmba mina. Ne tanjawa ta ne Kristus Yesus tuku piro tango mayenu minamngat. Kristus tuku pasa tugusek son nga dubite tange ne sangri pilenamngat. ⁷ Kilke te mbolok nginngan wam kube ta ngumneninga sulumba Kuate tuku minge dubiwam tuku ngamunggal tumtumba mina. ⁸ Ne ngarosu pinderkam tuku tumtuma ta alo fudinndo. Ne Kuate tuku minge dubiwa ta alo sungokanu. Kile kilke te mbolnge ngumnenja kilke kitek mbolnge mata abo jak minmba minamngat. ⁹ Pasa ta sinjka son ngam tuku. ¹⁰ Kuate nu abo minmba minit nu tango jakmba tuku muskil kile-tidinge ningam iduste ta sine nu tuku sangri tomba tinggeg mbal nu sinjka muskil kile-tidinge sinjamngat nga minde mineg. Sine wam ta idusmba piro karenjka mundusingit.

¹¹ Ne wam pagu ta jakmba kuklimba sanijga. ¹² Nane ne tango mbanzonu nga ne tala ndanuwaig. Kuga. Ne pasa mayenu, manjau mayenu, kume pur manjau, ngamunggal son, manjau purferjnu ta jakmba kumba mina le Kristus tuku son ngade mbal ne dubinuwaig. ¹³ Ne Kuate tuku pasa nane ndonj burka tugunu kuklimba tumnijmba mina le ye ne tugum prowamngit.

¹⁴ O buk nane afu Tukul Guwa tugumŋge pasa ismba kile-mayokkinaig le gabat kame nane ne mbolŋge wai patikinaig le ne piro tuku sangri tina wam ta ne gilai ndaŋga. ¹⁵ Ne wamdus ndindo tumba piro sakit ta biye mayewa le afu ne tuku piro maŋau sangri tingate ta katesewaig. ¹⁶ Naŋe mine maŋau ko pasa tumningit ta mata kurau mayewa. Ne taŋawa ta Kuate nu ne pasa isig mbal turmba muskil kile-tidinge tingamŋgat.

5

Maŋau magenu taŋgo pino mbolŋge kam tuku

¹ Taŋgo saibo ande mbarwa kande ne nu tumba sigair sigair ndawa. Ne mam naŋe wamdus mukukmbi sate taŋamba nu te-tiwa. Taŋgo mbanzonu maib naŋe mbolŋge maŋau kate taŋamba ka. ² Pino saibo ina naŋe taŋaŋ nane mbolŋge ka. Pino mbanzo kulim naŋe mbolŋge maŋau purfeŋnu kate taŋamba ka.

Pino kuembol tuku pasa

³ Pino kuembol ande nu kulatkam tuku mbal afu mine ndakuwaig kande Kristus tuku mbalŋge nu kulatkuwaig. ⁴ Ko nu kiŋo kame ko wa kame ŋak ndeta nane ina mamŋge nane kulatkinaig ta lafunu nu kulatkuwaig. Kristus dubide mbal nane ambonŋa naŋgine tugu mbolŋge maŋau mayenu kuwaig ŋga Kuate nu nzalite.

⁵ Pino kuembol ande nu kulatkam tuku mbal afu mine ndakade le nu Kuate ndo ye turyamŋgat ŋga furir mafen mindek nu yabaŋte. ⁶ Pino kuembol nu nuŋe ŋgarosu tuku nzali dubimba likate ta nu abo minit ŋga iduste ta nuŋe kanu kumaknu minit. ⁷ Ne sangri tinga wam pagu pasa ta turmba nane niŋga. Afuŋge nane maŋau ŋaigonu kade ŋgubekaig.

⁸ Ande nu nuje ina mam ndare tuma kulat ndakate ta nu Kristus tuku pasa son ngeg ta pitaite. Kuate gilai mbal minig tuku mañau limba nu siñka ñayonu ndo minit.

⁹ Pino kuembol afu Kuate tuku piro biyam tuku nyu kuyarka le Kristus tuku kuasmbinge nane kulatkuwaig. Afu buk taño ndindo ndo ñak minnaig ta taño kumnaig le kile saibo patika yar 60 tañan minig ta nane tuku nyu ndo kuyarka. ¹⁰ Nane buk kiño kame kulat mageka mbal afu kilmba isukusneniñmba Kuate tuku mbal sinzañniñmba sinamanzerkinaig mbal wakeika wam magenu ñakmba kam tuku wamdus sangrinu pilnaig le afu ta tuku sakade. Ne saibo tañan tuku nyu ndo kuyarka.

¹¹⁻¹² Pino mbanzonu kuembol minig ta ne nane tuku nyu kuyar ndaka. Nangine nzali tanje nane didikate le mañ taño kilmba Kristus ngumnemba nu tuku piro pino minam tuku pasa katnaig ta kuerkade. Mañau ta tuku nane pa tam tuku minig. ¹³ Wam ta ndo kuga. Nane ake kanyumba wande wande mbol kumba fare fare pasata wañe pasa tumba pasa afu nda sakam tuku si sakade. ¹⁴⁻¹⁵ Afu buk mbilka Satan dubide. Ta tuku ye mañ sakamngit. Pino mbanzonu kuembol minig ta nane mañ taño kilmba kiño kile-patika nangine wande kulatka minwaig. Tañawaig le sine tuku ngueu mbal sine Kristus tuku mbal tuku nyu kile-iberjke nda.

¹⁶ Kristus tuku son ngate ande nuje ndare ande kuembol minwa ndeta nu kulatkuwa. Kristus tuku kuasmbinge kulat ndakuwaig. Kuembol afu kulatkam tuku mbal mine ndakade ta nane ndo kulatkuwaig.

Gabat kame tuku pasa

¹⁷ Kussem wande tuku gabat kame afu piro ke mayede ta piro piya mañ lato niñgam kumuñ. Afu sanñri tiña pasa

kukli mayede ta siŋka piya lato ningap. ¹⁸ Kuyar pasa ande tejenmba sakate.

Tane makau wit alonu tomba sikam tuku piro niŋmba alonu afu nye ndakuwaig ŋga miŋge tukul ndaniŋgap. Lo
25.4

Pasa ande tejenmba sakate: Tane piro tango tukunu afu tugumŋge agar ndende kilam kumuŋ ŋgate.

¹⁹ Tango armba ko keŋmba gabat tango nu mbar ande kina ŋguwaig le ne son ŋga. Ko ndindonje nu mbarat ŋguwa kande ne ise ndaka.

²⁰ Nane afu mara mara mbar maŋau kumba minwaig ndeta ne nane kilmba tango ŋakmba am mbolŋge kile-tidiŋga le nane afu kaŋgermba kuru-kurukuwaig.

²¹ Kuate, Kristus Yesus, eŋel kame Kuatenje madingina ta nane ŋakmba am mbolŋge ye pasa te sanamŋgit. Ne wam pagu pasa sanit ta dubimba ande make pilmba ande kasur ndawa.

²² Ande Kuate tuku piro biywa ŋga pitik madimba wai nu mbolŋge pile ndaka. Afuŋge ne didikuwaig le nane tuku mbar maŋau dubi ndawa. Ne maŋau kutur ŋak rironka.

²³ Ne kule tidonu ndo nye ndaka. Ne mara mara guaze tate tukunu ne grep kule fudiŋmba turmba nya le fungul mayekuwa.

²⁴ Tango afu tuku mbar maŋau kilimŋge minig le kilmba pasa mbolŋge patikade. Afu mbarde ta kuirok minig ta ŋgumnenga Kuatenje kile-mayokkamŋgat. ²⁵ Afu tuku maŋau magenu mata kilimŋge minig. Afu tuku maŋau magenu kuirok minig ta siŋka ŋgumnenga kilimŋge minamŋgaig.

6

Piro mbal tuku pasa

¹ Kristus tuku son ngade mbal piro aganj tana afu tuku pirokade ta nane nangine gabat tuku kuraukuwaig. Nane tana waig ta afunje Kuate tuku nyu nu tuku pasa ngaigo siglike nda. ² Nangine gabat kame Kristus tuku son nguwaig ta piro mbal nane kile nu ye tuku tira nga nu maim maim tuwe ndakuwaig. Nangine gabat son ngate ta nu tuku kume purmba man lato nu tuku piro ke mayewaig.

Ndametiŋ tuku pasa

Ne tango pino wamdus kuagneka pasa te saninga. ³ Ande nu singine Sunjo Yesus Kristus tuku pasa tugusek Kuate kumnemnge minam tuku ta kusremba pasa kise sakate ta ⁴⁻⁵ nu nginngan tango ndo. Nu ake nuje nyu payamkate. Nu pasa tugunu afu tuku munju tulinu nzalite le mbal afu pasa tugusek gilai minmba nginnganka minig ta nane tuku wamdus kuagnekate. Wam ta mbolnge nane afu tuku mine ta tam tuku am kikonj tinga afu ndonj kualeyaukade sulumba afu tuku nyu ngaigo siglikade. Afu ake tuliniŋmba kualeyaukade. Nane wamdus mbarmba sine Kuate kumnemnge minmba ndametiŋ aganj ndende gudommba kilamngig ngade.

⁶ Ne isa. Ande ye Kuate kumnemnge minet te kumun ngate ta nu aganj ndende jak tana nu sinja gare jak minit. ⁷ Sine ina sinamnge aganj ndende jak pro ndagej. Sine kumbe sulumba aganj ndende jakmba kusreka ake kangig. ⁸ Kile sine tawi nyamagan jak minmba ndeta maye.

⁹ Afu aganj ndende kilam tuku piriride ta Satan nu nane tagoniŋgit le ndekade le kilmba ngaigo siglikate. Nane wamdus kugatok nangine nzali kame tange nane

kulatka didikade le dubika ngisikade. ¹⁰ Agañ ndende ko ndametiñ kilam tuku piriride wam ta mañau ñaigonu yeki yeki ñakmba tuku tugu. Afu ndametiñ kilam piriride ta nane Kuate tuku son nginaig ta kusrenaig sulumba kile ngamunggal rar sungo ñak minig.

Abo tugu minmba minam tuku pasa

¹¹ O Timoteus, ne Kuate tuku tanjo. Ne mañau ta ñakmba rironka. Ne mañau tinreknu ndo kam tuku, Kuate kumnemnge minam tuku, nu tuku son ngam tuku, afu tuku kume purkam tuku, piti sinamnge sangri tinga bike ndakam tuku, ñakmba ngamuknge ngan minam tuku wam ta ñakmba ke mayewam tuku idusmba wamdus sangrinu pale.

¹² Ne Kristus tuku son ngina ta nane gudommba am mbolnge te-mayokna le Kuate nu ne abo minmba minam tuku madinina. Ne Kuate tuku sangri tomba tingam tuku nane mungu lilika pinderkade tanañ matuk tukulka abo tugu ta biye dewa.

¹³ Kuate nu agañ ndende ñakmba abo ningit ta Kristus Yesus nu Pontius Pilatus tugumnge nuje tugu te-mayokna ta ye nale am mbolnge ne sanamngit. ¹⁴ Kuate tuku pasa dubi mageka le afunge pasa ta ñayo sili ndawaig. Tanamba mina le ma ma singine Sungo Yesus Kristus mayok kangat. ¹⁵ Ait kumunguwa le Kuatenge nu te-mayokamngat. Kuate nu gare tugu. Nu Kulat Sungo ndindo. Gabat ñakmba tuku nu Gabat. Sugo ñakmba tuku nu Sungo. ¹⁶ Nu ndindo kume nda. Bulu sangrinu sinamnge minit le sine patuwam kumuñ kuga. O buk kile mata ande nu kangeram kumuñ kuga. Nu tuku nyu sungo pasa ñak sangri ñayo minmba minwa. Son.

Agañ ndende ñak mbal tuku pasa

¹⁷ Ne agañ ndende ñak mbal saniŋga le nane agañ ndende payamka sine agañ ndende ñak mage minamŋgig ŋga idus ndawaig. Agañ ndende ta pitik kugade. Kuate nu sine gare tube ŋga agañ waknyumba wam magenu ñakmba ŋiŋgit. Nu tuku sanŋri mbolŋge mage minamŋgig ŋga iduswaig. ¹⁸ Ne nane saniŋga le wam magenu suŋgomba kumba waknyumba afu turkuwaig. ¹⁹ Tarjawaig ta nane wam mayenu ŋgumneŋga tam tuku ta kuaneka abo tugu tugusek ta tamŋgaig.

Kuate tuku pasa kulat mayewa

²⁰ O Timoteus, Kuatenŋge pasa tinna ta kulat mayewa. Nane afu kilke mbolok pasa alo kugatok saka ko ye kila ñak ŋga pasa tugusek te-ibeŋde ta ne pasa ta ise ndaka. ²¹ Nane afu sine kila ñak ŋga wamdus mbarmba Kristus tuku son nda ŋgade.

Kuate nu ake sinaŋ tane make patika minwa.
Son.

KUATE TUKU PASA
Portions of the Old Testament and The New Testament in the
Siroi Language of Papua New Guinea
Sampela hap Buk Baibel long tokples Siroi long Niugini

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709